



UKA 2016/19  
21. september  
Mimi Karlsen

### **Soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat nr. xx, xx 2016-imeersoq**

(Aningaasaqarnermut Aatsitassanullu Naalakkersuisoq)

Inuit Ataqatigiit soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat imatut oqaaseqarfigiumavaat.

Innuttaasoq kinaluunniit utoqqalippat, sulisinnaajunnaarluni, aningaasanik isertitaarulluni, taava ullumikkut inuiaqatigiit aningaasatigut isumagilertarpaat, utoqqalinersiusersorneratigut. Tamanna inuiaqatigiit pisussaaffiattut isiguarparput, pisussaaffik utoqqalisorpassuarnik toqqissimatitsisoq utoqqartullu eqqissilluni inuunissamut aqqutissiuisoq.

Inuiaqatigiinnili ilatta aningaasarsiorunnaarlutik inuiaqatigiinniit aningaasanik pisariaqartilinnerasigut pisussaalertarput inuit sulisinnaasut pilersuilissallutik. Inuiaqatigiinni sulisinnaasut pilersugassanit amerlanerungaarpata tamanna oqitsunnguussaaq.

Akilerartarnermulli inuulluarnermullu ataatsimiitsitaliarsuup takutippaa ukiuni aggersuni pilersuisinnaallutik sulisinnaasut ima amerlitiginaviangitsut allaat kikkut tamaasa pilersussallugit. Taamaamma qulakkeertariaqarparput siunissami utoqqartatta utoqqalinersiusersinnaanissaat. Tassalu Soraarnerussutisiaqarnissamut aqqissuussinermut pinngitsoorani ilaanissaq aningaasanik nammineerluni ileqqaarinissamut aqputaalluarsinnaavoq. Inuit sulinerminni, aningaasarissaarnerminni utoqqalinissaminnut aningaasanik ileqqaarisinnaappata inuit utoqqalinersiuteqarnissartik nammineq peqataaffigalugu iluaqutigisinnaanngussavaat.

Siunnersuummi inuit 100.000 kr sinnerlugit isertitallit akilerartarneq aqputigalugu ileqqaarisassapput. Tassa sulisinnaasugut tamatta. Uanili apeqputigiumavarput inuit sulisinnaanatik, soorlu førtidspensionillit qanoq periarfissaqassanersut? Ileqqaagaqanngikkunik taava utoqqalinersiuteqassanngillat?

Qulakkeertariaqarparput inuit tamarmik ileqqaarinikkut utoqqalinersisarsinnaanissaat qanoq aqqissussanersoq, taamaammallu siunnersuut akuersaarlugu ataatsimiitsitaliamut susassaqtumut ingerlateqqipparput.